

Aruba tin di prepara pa welga general... Ambtenaarnan preparando pa accion di Diamars

ORANJESTAD (AAN) — DIARIO a haya informacion cu ayera atardi, diferente departamento di Gobierno tabata tin reunionnan interno pa prepara pa e paro di labor cu lo tin riba diamars otro siman.

Manera ta conoci, tin un diferencia grandi di opinion entre e bloke sindical cu ta representa empleadonan publico y gobierno, pa loke ta trata indexering.

Sindicatonan no ta acepta e proposicion di gobierno di aumenta e suma fiho (gelijkbedrag) y "vakantie uitkering" mientras cu Ministernan concerni no tin otro alternativa pa ofrece.

Tin fuerte indicacion cu diamars posiblemente lo no tin school pa motibo di e welga, y logicamente tur otro servicio publico lo keda para, y esaki por ta e cuminzamento di un problema grandi, segun observadornan, cu por hasta obliga gobierno baha, promes cu e campaña politico inicia.

Siman pasa un observador politico a indica cu e asunto di indexering lo pone gobierno pasa den un turbulencia, y cu partido MEP lo perde cantidad di voto, te hasta e ta predecir cu e proximo gobernacion lo ta forma pa un coalicion, cu

resultadonan cu lo sorprende e partidonan grandi MEP y AVP.

En todo caso, pueblo di Aruba ta dilanti un problema serio cu por afecta un y tur, en caso cu e sindicatonan di berdad pone Aruba plat, pasobra no mester lubida cu si envez di yega na un consenso e problema bira mas grave, e sindicato cu ta representa sector priva tambe lo sostiene e accion, y como un pais turistico nos ta core e riesgo di crea un situacion tenso cu por afecta tambe nos economia.

Ohala cu gobierno y sindicatonan lo sa di usa sano huicio y yega na un acuerdo cu ta beneficia tur dos. Hecho ta cu gobierno (ta bisa anto) cu no tin cent! Y si di un banda e situacion financiero di gobierno ta asina caotico, pero di otro empleadonan publico ta demanda pa gobierno cumpli cu e palabracion haci tres aña pasa, logico ta cu nan por haya otro y yega na un areglo cu ambos partido por biba cune.

Despues di a vrij publicamente cu MEP

Awor PPA ta haciendo saltonan mortal

ORANJESTAD (AAN) Tin hende simplemente no ta siña di nan erornan, pero mas peor ta ora cu tin hende cu hamas lo siña tampoco di nan erornan y esey ta loke ta pasando cu PPA y algun di su integrantenan.

Algun siman pasa e lider di PPA tabata tin e curashi pa bay anuncia cu boca grandi cu PPA lo bay ta un partido grandi durante e proximo eleccion y den pueblo e informacion ey a causa masha hopi hilaridad pasobra Benny a lubida cu e ultimo eleccion el a logra di drenta parlamento di chiripa pasobra ningun hende a pone atencion riba e desasternan grandi cu PPA a comete bao di liderazgo di Benny.

Benny a haci den pasado tur sorto di salto mortal y despues cu el a caba cu PPA como e partido cu a yega di haya mas voto, e laga esaki yega te na zero y el a busca afiliacion cu tur sorto di polit-

ico cu den otro partido a fracasa y cu den pueblo no tabata tin mucho bon reputacion.

Tabata tin un momento cu te hasta Tinchí a wordo busca pa reforsa PPA pa bay eleccion y e tempo ey e combinacion di Tinchí y Benny a wordo cualifica bon cla den un caricatura cu tabata carga e titulo 'Morto ta yama Morto' y asina tambe PPA a keda despues di eleccion pasobra nan no a ni logra drenta parlamento y awor PPA ta riba e mesun rumbo cu e saltonan mortal cu Benny y algun integrante di dje tras ta haci tras di cortina.

Pa tres aña largo PPA a vrij y bay na amen di MEP y durante ultimo aña pa tur hende tabata bon bisto con Benny tabata prepara su cama caba pa e por join cu MEP pa e ta sigur cu e lo logra su cantidad di aña den parlamento; Benny kier keda den parlamento y no ta importa

con e logra!

Esaki ta e imagen cu Benny a crea pa su mes y pa PPA cu a bira un partido menos cu mediocre.


Awor cu eleccion ta den porta diripiente Benny ta haci como si fuera e ta atacando MEP, pero pa tur hende ta bon bisto cu esakinan ta actonan di camuflahe pa tira santo den wowo di pueblo votador y ta pesey tambe pueblo ta reaccionando furioso riba e forma con Benny Nisbet di PPA ta hibando politica pasobra na lugar di e para tras di e trahadornan cu otro siman ta bay den protesta, e ta trata na crea smoke screen pa kita atencion di e problema grandi cu e gobierno di MEP a hinca Aruba aden.

Pueblo kier tende di Benny si e ta para tras di e protestanan y manifestacion di otro siman of e ta para tras di Nel y su 12 marioneta den parlamento.

HASTA CUANDO!!

SI AMI A BISA CU RITZ
CARLTON NO TA HAYA
TAX HOLIDAY Y CU AWO
SI MI LENGUA A SLIP
BISANDO CU NAN LO HAYA
TAX HOLIDAY, NOS MESTER
BAI REWIND E TAPE
AKI!!

NEL, DICON SEMPER
TUR MULTINATIONAL
TA SALI GANA Y
E PUEBLO Y E CAHA
DI GOBIERNO
MESTER YORA
BASHI ?!!



BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



**Bandera di
Aruba
2 pa
Prijs Special**

TELEFONNAN

DI DIARIO

582-6747

FAX

582-8551